

菩薩品第四

(一) 何謂菩提—彌勒菩薩

於是佛告彌勒菩薩：「汝行詣維摩詰問疾。」			
彌勒白佛言：「世尊！我不堪任詣彼問疾。所以者何？憶念我昔，為兜率天王及其眷屬，說不退轉地之行，時維摩詰來謂我言：『彌勒！世尊授仁者記，一生當得阿耨多羅三藐三菩提，為用何生得受記乎？	① 過去耶？ ② 未來耶？ ③ 現在耶？	① 若過去生，過去生已滅； ② 若未來生，未來生未至； ③ 若現在生，現在生無住。	如佛所說：比丘！汝今即時，亦生、亦老、亦滅。
若以無生得受記者，無生即是正位，於正位中，亦無受記，亦無得阿耨多羅三藐三菩提，云何彌勒受一生記乎？	① 為從如生，得受記耶？ ② 為從如滅，得受記耶？	① 若以如生得受記者，如無有生； ② 若以如滅得受記者，如無有滅。	一切眾生皆如也，一切法亦如也，眾聖賢亦如也，至於彌勒亦如也。
① 若彌勒得受記者，一切眾生亦應受記，所以者何？夫如者，不二不異； ② 若彌勒得阿耨多羅三藐三菩提者，一切眾生皆亦應得，所以者何？一切眾生即菩提相。 ③ 若彌勒得滅度者，一切眾生亦當滅度，所以者何？諸佛知一切眾生畢竟寂滅，即涅槃相，不復更滅。	是故，	① 彌勒！無以此法誘諸天子，實無發阿耨多羅三藐三菩提心者，亦無退者。 ② 彌勒！當令此諸天子，捨於分別菩提之見，所以者何？	
菩提者，	① 不可以身得， ② 不可以心得：	① 寂滅是菩提，滅諸相故； ② 不觀是菩提，離諸緣故； ③ 不行是菩提，無憶念故； ④ 斷是菩提，捨諸見故； ⑤ 離是菩提，離諸妄想故； ⑥ 障是菩提，障諸願故； ⑦ 不入是菩提，無貪著故； ⑧ 順是菩提，順於如故； ⑨ 住是菩提，住法性故； ⑩ 至是菩提，至實際故； ⑪ 不二是菩提，離意法故； ⑫ 等是菩提，等虛空故；	

	<p>⑬ 無為是菩提，無生住滅故； ⑭ 知是菩提，了眾生心行故； ⑮ 不會是菩提，諸入不會故； ⑯ 不合是菩提，離煩惱習故； ⑰ 無處是菩提，無形色故； ⑱ 假名是菩提，名字空故； ⑲ 如化是菩提，無取捨故； ⑳ 無亂是菩提，常自靜故； ㉑ 善寂是菩提，性清淨故； ㉒ 無取是菩提，離攀緣故； ㉓ 無異是菩提，諸法等故； ㉔ 無比是菩提，無可喻故； ㉕ 微妙是菩提，諸法難知故。』</p>
<p>世尊！維摩詰說是法時，二百天子得無生法忍，故我不任詣彼問疾。」</p>	

(二) 何謂道場—光嚴菩薩

<p>佛告光嚴童子：「汝行詣維摩詰問疾。」</p>	
<p>光嚴白佛言：「世尊！我不堪任詣彼問疾。所以者何？」</p>	
<p>憶念我昔出毘耶離大城，時維摩詰方入城，我即為作禮而問言：『居士從何</p>	
<p>所來？』答我言：『吾從道場來。』</p>	
<p>我問：『道場者何所是？』</p>	
<p>答曰：『</p>	<p>① 直心是道場，無虛假故； ② 發行是道場，能辦事故； ③ 深心是道場，增益功德故； ④ 菩提心是道場，無錯謬故； ⑤ 布施是道場，不望報故； ⑥ 持戒是道場，得願具故； ⑦ 忍辱是道場，於諸眾生心無礙故； ⑧ 精進是道場，不懈退故； ⑨ 禪定是道場，心調柔故； ⑩ 智慧是道場，現見諸法故； ⑪ 慈是道場，等眾生故； ⑫ 悲是道場，忍疲苦故； ⑬ 喜是道場，悅樂法故； ⑭ 捨是道場，憎愛斷故； ⑮ 神通是道場，成就六通故； ⑯ 解脫是道場，能背捨故；</p>

- | | |
|--|---|
| | <p>⑰ 方便是道場，教化眾生故；</p> <p>⑱ 四攝是道場，攝眾生故；</p> <p>⑲ 多聞是道場，如聞行故；</p> <p>⑳ 伏心是道場，正觀諸法故；</p> <p>㉑ 三十七品是道場，捨有為法故；</p> <p>㉒ 四諦是道場，不誑世間故；</p> <p>㉓ 緣起是道場，無明乃至老死皆無盡故；</p> <p>㉔ 諸煩惱是道場，知如實故；</p> <p>㉕ 眾生是道場，知無我故；</p> <p>㉖ 一切法是道場，知諸法空故；</p> <p>㉗ 降魔是道場，不傾動故；</p> <p>㉘ 三界是道場，無所趣故；</p> <p>㉙ 師子吼是道場，無所畏故；</p> <p>㉚ 力、無畏、不共法是道場，無諸過故；</p> <p>㉛ 三明是道場，無餘礙故；</p> <p>㉜ 一念知一切法是道場，成就一切智故。</p> |
|--|---|

如是，善男子！菩薩若應諸波羅蜜，教化眾生，諸有所作，舉足下足，當知皆從道場來，住於佛法矣！』

說是法時，五百天人皆發阿耨多羅三藐三菩提心，故我不任詣彼問疾。」

(三) 何謂法樂——持世菩薩

佛告持世菩薩：「汝行詣維摩詰問疾。」

持世白佛言：「世尊！我不堪任詣彼問疾。所以者何？憶念我昔，住於靜室，時魔波旬從萬二千天女，狀如帝釋，鼓樂弦歌，來詣我所。與其眷屬，稽首我足，合掌恭敬，於一面立。

我意謂是帝釋，而語之言：『善來憍尸迦！雖福應有，不當自恣。當觀五欲無常，以求善本，於身命財而修堅法。』即語我言：『正士！受是萬二千天女，可備掃灑。』

我言：『憍尸迦！無以此非法之物要我沙門釋子，此非我宜。』

所言未訖，時維摩詰來謂我言：『非帝釋也，是為魔來憍固汝耳！』

即語魔言：『是諸女等，可以與我，如我應受。』

魔即驚懼，念維摩詰：『將無惱我？』欲隱形去，而不能隱；盡其神力，亦不得去。即聞空中聲曰：『波旬以女與之，乃可得去。』魔以畏故，俯仰而與。

爾時，維摩詰語諸女言：『魔以汝等與我，今汝皆當發阿耨多羅三藐三菩提心。』即隨所應而為說法，令發道意。

復言：『汝等已發道意，有法樂可以自娛，不應復樂五欲樂也。』

天女即問：『何謂法樂？』

<p>答言：『</p>	<ol style="list-style-type: none"> ① 樂常信佛， ② 樂欲聽法， ③ 樂供養眾， ④ 樂離五欲， ⑤ 樂觀五陰如怨賊， ⑥ 樂觀四大如毒蛇， ⑦ 樂觀內入如空聚， ⑧ 樂隨護道意， ⑨ 樂饒益眾生， ⑩ 樂敬養師， ⑪ 樂廣行施， ⑫ 樂堅持戒， ⑬ 樂忍辱柔和， ⑭ 樂勤集善根， ⑮ 樂禪定不亂， ⑯ 樂離垢明慧， ⑰ 樂廣菩提心， ⑱ 樂降伏眾魔， ⑲ 樂斷諸煩惱， ⑳ 樂淨佛國土， ㉑ 樂成就相好故，修諸功德， ㉒ 樂莊嚴道場； ㉓ 樂聞深法不畏， ㉔ 樂三脫門， ㉕ 不樂非時， ㉖ 樂近同學， ㉗ 樂於非同學中，心無恚礙， ㉘ 樂將護惡知識， ㉙ 樂親近善知識， ㉚ 樂心喜清淨， ㉛ 樂修無量道品之法， 	<p>是為菩薩法樂。』</p>
<p>於是，波旬告諸女言：『我欲與汝俱還天宮。』</p> <p>諸女言：『以我等與此居士，有法樂，我等甚樂，不復樂五欲樂也。』</p> <p>魔言：『居士可捨此女？一切所有施於彼者，是為菩薩。』</p> <p>維摩詰言：『我已捨矣！汝便將去，令一切眾生得法願具足。』</p> <p>於是，諸女問維摩詰：『我等云何止於魔宮？』</p> <p>維摩詰言：『諸姊！有法門名無盡燈，汝等當學。無盡燈者，譬如一燈，然百千燈，冥者皆明，明終不盡。如是，諸姊！夫一菩薩開導百千眾生，令發阿耨多羅三藐三菩提心，於其道意亦不減盡，隨所說法，而自增益一切善法，是名無盡燈也。汝等雖住魔宮，以是無盡燈，令無數天子、天女，發阿耨多羅三藐三菩提心者，</p>		

為報佛恩，亦大饒益一切眾生。』

爾時，天女頭面禮維摩詰足，隨魔還宮，忽然不現。

世尊！維摩詰有如是自在神力，智慧辯才，故我不任詣彼問疾。」

(四) 法施之會—長者子善德菩薩

佛告長者子善德：「汝行詣維摩詰問疾。」

善德向佛言：「世尊！我不堪任詣彼問疾。所以者何？憶念我昔，自於父舍，設大施會，供養一切沙門婆羅門，及諸外道貧窮下賤孤獨乞人。期滿七日，時維摩詰來入會中，謂我言：『長者子！夫大施會不當如汝所設，當為法施之會，何用是財施會為？』

我言：『居士！何謂法施之會？』

『法施會者，無前無後，一時供養一切眾生，是名法施之會。』

<p>曰 ： 『 何 謂 也 ？ 』</p>	<ol style="list-style-type: none"> ① 謂以菩提，起於慈心； ② 以救眾生，起大悲心； ③ 以持正法，起於喜心； ④ 以攝智慧，行於捨心； ⑤ 以攝慳貪，起檀波羅蜜； ⑥ 以化犯戒，起尸羅波羅蜜； ⑦ 以無我法，起羸提波羅蜜； ⑧ 以離身心相，起毘梨耶波羅蜜； ⑨ 以菩提相，起禪波羅蜜； ⑩ 以一切智，起般若波羅蜜； ⑪ 教化眾生，而起於空； ⑫ 不捨有為法，而起無相； ⑬ 示現受生，而起無作； ⑭ 護持正法，起方便力； ⑮ 以度眾生，起四攝法； ⑯ 以敬事一切，起除慢法； ⑰ 於身命財，起三堅法； ⑱ 於六念中，起思念法； ⑲ 於六和敬，起質直心； ⑳ 正行善法，起於淨命； ㉑ 心淨歡喜，起近賢聖； ㉒ 不憎惡人，起調伏心； ㉓ 以出家法，起於深心； ㉔ 以如說行，起於多聞； ㉕ 以無諍法，起空閒處； 	<p>如是，善男子！ 是為法施之會。 若菩薩住是法 施會者，為大施 主，亦為一切世 間福田。』</p>
--	--	---

<p>②⑥ 趣向佛慧，起於宴坐； ②⑦ 解眾生縛，起修行地； ②⑧ 以具相好及淨佛土，起福德業； ②⑨ 知一切眾生心念，如應說法，起於智業； ③⑩ 知一切法，不取不捨，入一相門，起於慧業； ③⑪ 斷一切煩惱、一切障礙、一切不善法，起一切善業； ③⑫ 以得一切智慧、一切善法，起於一切助佛道法。</p>	
<p>世尊！維摩詰說是法時，婆羅門眾中二百人，皆發阿耨多羅三藐三菩提心。我時心得清淨，歎未曾有！稽首禮維摩詰足，即解瓔珞價值百千而以上之，不肯取。我言：『居士願必納受，隨意所與。』</p> <p>維摩詰乃受瓔珞，分作二分，持一分施此會中一最下乞人，持一分奉彼難勝如來。一切眾會皆見光明國土難勝如來，又見珠瓔在彼佛上變成四柱寶台，四面嚴飾，不相障蔽。</p> <p>時維摩詰現神變已，又作是言：『若施主等心施一最下乞人，猶如如來福田之相；無所分別，等於大悲；不求果報，是則名曰具足法施。』</p>	
<p>城中一最下乞人，見是神力，聞其所說，皆發阿耨多羅三藐三菩提心，故我不任詣彼問疾。」</p>	

如是，諸菩薩各各向佛說其本緣，稱述維摩詰所言，皆曰：「不任詣彼問疾。」